

墨客揮犀
談淵

楊公筆錄

蒙齋筆談



談

淵

王
陶
撰

中
華
書
局

歷代小史卷之三十八

談淵

宋王陶譔

天禧中泰州言潭州軍士王貴至州自云得于闐國王印一以獻初
太平興國中貴晝日忽見使者至營急召偕行至河橋驛馬已具
卽命乘之俄覺騰空而去頃之駐馬但見坐宇宏麗使者使貴入
其衖衛制度悉為王者謂貴曰侯年如五十八當往于闐國北通
聖山取一異它以奉皇帝宜志之遂從乘馬凌雲而旋軍中失貴
已數日矣驗所乘卽營卒之馬也知州宋煦以聞奏太宗釋之至
是貴自陳年已五十八願遵前戒西至于闐尋許其行貴至神州
以道遠悔懼俄於市中遇一道士引貴至州城登高原問所欲具

以突對卽命貴開目少選令開目視見山川頗異道士曰此于闐
國北境通聖山也彼引貴至一池上中有仙童出一物授之謂曰
持此奉皇帝有令瞋目俄頃復至秦州向之道士已失所發其物
乃玉印也文曰國王趙萬年永宝

建隆中曹彬潘美統王師平江南二將皆知兵善戰曹之識慮尤遠
潘所不逾城旣破圍主李煜曰紗衫帽見二公先見潘設拜潘答
之次見曹設拜曹使人附語曰介胄在身拜不及答識者善其得
礼二公先登二舟召煜飲茶船前設一獸木板道煜嚮之圍主儀
衛甚盛一旦獸登舟徘徊不能進潘命左右翼而登焉旣一啜曹
謂李即辦裝詰旦會于此同赴京師來曉如期而赴焉始潘甚惑
之詎可放歸曹曰云逸獸木版尚不能進畏死甚也旣許其生赴

中國焉能恥死衆方服其識量

張御公士遜三入相景祐五年與章郇公並命已七十五歲後二十年西賊叛命卽寶元康定之間措置乖方物議罪之方引年除正太傳致仕以小詩白郇公云赭案當衙並命時兼葭衰朽倚瑤枝如今我得休官去鴻入高冥鳳在池近輔成和焉當時輕薄少年改御公詩云赭案當衙並命時與君兩個沒操持如今我得休官去一任夫君鶴露蹄聞者無不大哂

江南徐鉉有學問善談吐古儒之流也李氏未歸順時奉王命至中朝便殿見藝祖升殿端笏綬頰而言曰江南李煜無罪陛下師出無名父之藝祖再令敷奏乃曰李煜如地陛下如天李煜如子陛下如父天乃能蓋地父乃能成子藝祖應聲答曰旣是父子安得

兩處喫飯鉞無以對識者無不服簪祖神雋矣

翰林侍講學士杜鎬博學有識都城外有墳莊一日若有甘露降布林木子姪輩驚喜曰子鎬鎬味之慘然不懌子姪啓請鎬曰此非甘露乃雀餵大非佳兆吾門其衰矣踰年鎬薨有八喪

大祖一日小宴顧江南國主李煜曰聞卿能詩可舉一聯煜思久之乃舉珠扇詩云揖讓月在手動握風滿懷太祖曰蒲懷之風何可足尚從官無不嘆服

太原王仁裕家遠祖母約二百餘歲形質耿小長約三四尺許兩眼白睛皆碧飲啗至少夜多不睡每月餘忽不見數日復至亦不知其往來之迹床頭有扣箱可尺餘封鎖甚密人未嘗得見其中物嘗戒諸孫曰如我出慎勿開此箱開卽我不歸也諸孫中有一無

賴者一日恃酒而歸祖母不在徑詣床頭叩封鎖柳箱開之其中
有一小鐵篋子餘無他物自此祖母竟不回矣

歷代小史卷之三十八

談淵

[illegible]